

مشتاق

مطبعه و محل اداره :

م. ا. ل. اوغلسده امنیت
سندوغی جوارنده
شکول یقوشنده
۲۶ نومرو

مسالک زده موافق آثار
جدیده مع الممنونه
قبول اولنور

درج ابدیه بن آثار اعاده اولنار

دیر ، فلسفه ، علوم ، حقوق ، ادبیات تاریخ ، و سیاسیات و بالخاصه احوال و شئون اسلامیه بحث ابرر دهفته به نشر اولنور.

صاحب و مؤسسلری :

در سعادتده نسخہ سی ۵۰ یا ۵۰۰

ابوالعلا زین العابدین - ح . اشرف ادیب
تاریخ تأسیسی

فیرله دن مقوا بورو ایله کوندریایر سه سنوی
۲۰ غروش فضله آلتیر

۱۰ تموز ۳۲۴

آبونه بدلی

ممالک عثمانیه ایچون	سنه لکی	القی آیلانی	غروش
۶۵	۳۵	۳۵	۳۵
روسیه	۶۵	۳۵	روبله
سائر ممالک اجنبیه	۱۷	۹	فرائق

یدنجی جلد

۵ صفر ۱۳۳۰ پنجشنبه ۱۲ کانون نانی ۱۳۲۷

عدد : ۱۷۷

« بویه کوردك دده مزدن ! » ديه اضمحلالی
 بویلايان برسوری ملتلك اولسون حالی
 عبرت اولماز بزه ، هرکون اوقورز ازبرده !
 یوقسه ، بر مقصد آرانمازی بو آیتلرده ؟
 لفظی محکم یالکز ، آکلاشیلان ، قرآنک :
 چونکه قیدنده دکل هیچ بریمز معنائک !
 یا آچار نظم جلیک ، باقارز یاراغنه ؛
 یاخود اوفلر کچرز بر اولونک طورراغنه .
 اینهمشدر هله قرآن ، بونی حقیقه بیلک ،
 نه مزارلقده اوقونمق ، نه ده فال باقق ایچین !
 بو حوالیده کیلر پک یایا قلمش دینجه ؛
 اویله قرآن اوقوبورلرکه : صائرسین چینجه !
 بوتون عادتلی آیین مجوسی به قریب ؛
 بر شهادت کتیرلر . . اوده اولدقچه غریب !
 یالکز هبسی ده حرمله آگار نامکزی .
 هیچ اونوتام ، صاربلوب خرقرمه بر چینلی قیزی ،
 نه دیور آگلامادم ، سوبلدی برچوق شیلر ؛
 صوکره مأیوس اوله رق اغلادی . . بیچاره مکر
 بکا سلطانی صورارمشده ، نصلدر ؟ دیرمش .
 یول یاقین اولسه ایمش کله بی ایستلرمش

مابعدی وار

محمد عاکف

وحدت وجود

(۱۴)

صوفیه کرام حضراتی اعیان ثابته بی : ممکناتک علم الهیده ثابت اولان
 حقایقیدر ، دیه تعریف ایدیورلر و بو حقایق رایحه وجودی شم
 ایتهمشدر دیورلر . علم الهیده ثابت اولان حقایق نعل اولورده رایحه
 وجودی شم ایتهمش اولور ؟ دیه سرد ایدیلن اعتراضده : وجود
 ثبوتدن اعمدر ، هر ثابت اولان شیئک موجود اولسی لازم کاز دیه
 جواب ویریورلر .

مثلاً نفی وجود معناسی تضمن ایدن عدمدن بحث ابدلیدی صرهده
 لعدم موجوددر دینیه بیلیر . فقط بوسوزدن مقصد ذاتاً نفی وجود معناسی
 تضمن ایدن عدمک وجود ایله اتصافی قبول ایتک اولیوب بلکه عدمیت
 اوزره ثبوتی اکلامقدردر .

صوفیه اعیان ثابته نک علم الهیده ثبوتی « فیض اقدس » ، اعیانک صوری
 اولان ممکناتک خارجهده ظهوری ده فیض مقدس نتیجه سیدر دیورلر .
 بعض کیسهلر اعیان ثابته ایله اشیای خارجهیه شی واحد نظریله

باقیورلر ؛ حالبوکه اویله دکدر . کنبوی مرحوم جلال حاشیه سنده :
 « فالممكنات الموجودة عبارة عن الاعیان الثابتة بشرط المظهرية » عبارده سیله
 بو دقیقه دن ذاهل اولدیغنی کوسترمش و اعیان ثابته ایله اشیای خارجهیه
 بیننده کی فرقی « بشرط المظهرية » قیدیه تعیین ایشدر . شوقیده کوره
 بزم موجودات خارجهیه نامنی ویردی کمز صور ممکنات ، اعیانک ینه
 مرایای اعیانده « فیض مقدس » ایله ظاهر اولان صورتلری دیمک
 اولور .

« فیض اقدس » و « فیض مقدس » تعبیئرینه کنجه بو تعبیئرلر
 اصطلاحات صوفیه دندر . فیض اقدس دیمک اشیای ایله اشیاده کی استعداد
 داتک اولان علم الهیده ثابته ساحه تعینده وجودی ، ده طوغریسی ثبوتی
 موجب اولان تجلی حسی ذاتی دیمکدر . فیض مقدس ده اعیانده کی
 استعدادات ، خارجهده نه کی شیلرک ظهورینی استلزام ایدرسه انلرک
 ظهورینی موجب اولان تجلیات اسماء دیمکدر .

شواله . فیض اقدس اعیان ثابته ایله انلرده کی استعدادات اصلیه نک
 علم الهیده ثبوتی ، فیض مقدس ده اعیان ثابته نک لوازم و توابعیله
 خارجهده ظهورینی استلزام ایتش دیمک اولور .

دیگر بر اعتباره کوره اعیان ثابته اسماء و صفات الهیه نک صوری
 اولمق حیثیتله حقایق الهیه در .

اعیان ثابته مناسبتیه « حضرات خمس » حقنده ده بر ایکی سوز
 سوبلک لازم کلیور .

ارباب تصوف حضرات الهیه بی حد و حصردن تنزیه ایلدکن صکره
 عوالمه نظراً بش حضرت ، تعبیئر دیگرله بش صورت قبول ایدیورلر .
 بونلردن برنجیسنه حضرت غیب مطلق ، عالم لاتین ، عالم لاهوت ،
 عالم اطلاق ، عمای مطلق ، وجود محض ، ام الکتاب غیب الغیوب ،
 وسائر کی اسملر ویریورلر و بومقام ، جناب حق هنوز اسما و صفات
 مرتبه سنه نزل ایتدی کی جهته کافه اسما و صفاتک ذات الوهیتده محو و مستهک
 اولدینی مقامدر دیورلر .

بونک مقابلی اولان حضرتده عالم حسن و شهادت تسمیه ایدیورلرکه
 بیلدی کمز عالم کون و فساد دیمکدر .

غیب مطلقله عالم حسن و شهادت اوده سنده عالم مثال مطلق ، مثال
 مطلقله غیب مطلق اراسندهده عالم ارواح جبروتیه یعنی عقول و نفوس
 مجردده ، ینه عالم مثال مطلقله عالم حسن و شهادت اراسندهده عالم مثال مقید « عالم
 منام » تصور ایدیورلر و بونلرک هبسی اعتبارات مختلفیه نظراً مرتبه
 واحدهیه ویرلمش اولان مختلف اسملردر دیورلر . تفصیلی اکلامق
 ایسته یلر کتب صوفیهیه مراجعت بیوره بیلیرلر . مقصد من تصوفک
 اساسی حقنده معلومات مفصله ویرمک اولیدی مدونات موجوددن بر
 چوق سوزلر نقل ایده بیلیر ایدک .

بو مراتبک تفصیلدن صرف نظر صوفیه کرام حضراتک کافه سی
 اشیادن نفی وجود ایله وجود حقیقی بی جناب حقه حصر و تخصیص
 ایدرک جناب حقندن بشقه موجود یوقدر دیورلر .

فی الحقیقه حضرات صوفیه : لا موجود الا الله یعنی جناب حق در بشقه موجود یوقدر دیشلر. فقط بونکه موجود اولان هر شی جناب حقدر معنای مراد ایتمه مشلر. انلرک وجود ، حقدر عبارتدر دیشلری تمامیه بشقه بر معنای متضمندر . حال بوکه کتاب کائناتده مندرج هر کله دن آری آری مونی چیقاروب کلماتک هیئت مجموعه سندن مال واحد استنباط ایدمه من برا کنده بنیان ، اعیانده کون ایله مفسر اولان معنای وجودی اهل وحدتک معنای دیگر مراد ایتدکلی وجود ایله قارشیدر رق انلرک مذهب عرفانه «وجودیه» نامنی ویرمشلر و اهل وحدت حقنده کی تجاوزات معلومه لریله انصاف وادیدندن خیلی اوزاق دوشمشلردر . اهل وحدت جناب حق کورمش ، کوردیکنی وجوددن بشقه بر لفظ ایله افاده ایدمه مش . اهل کثرت انلرک وجود تعیرندن اعیانده کون ایله مفسر اولان معنای مراد ایتدکلیینه ذاهب اوله رق انی بر درلو جناب حقک شاننه لایق کورمه مش ، فقط او مشاهده نرده ، انی رد ایچون الزام ایدیلن بو مجاهده نرده ؟

مکوک بر کیجده میلیارلره نجوم زاهره نك نور لرزانی حساس یورکلری اهرازه کتیردکی بر صرده کونش ستره ارغوانیسی اوستندن اهرق خوابکاهندن چیقجه کتائب نجوم نصل وادی اضمحلاله طوغری قوشارسه بر زمان اول وار کی کورینن قوافل اشیاده شمس حقیقتک افق دلدن طلوعیه فیفای عدمه طوغری اوله جه روبراه فرار اولور ! فی الحقیقه بز ، دماغمه عکس قضیه نك امکاتی مؤید بر تخم تردد ایتدجه ساسله حادثاتک وجود حقیقیله اتصافندن شبهه ایتکی اصلا خاطر مزدن کیمیز .

حتی بریسی بزه بویله برشیدن بحث ایدمه جک اولسه بنیان تفکراتک مشاقولندن انحراف ایتدیکنه قائل اوله رق دماغنه بر پائنده اورمق ، بوصورتله عقلنک موازنه سنی برینه کتیرمک ایچون بلکه بچاره نك صورتیه برده خدای سله عشق ایدرز و توقادی اتدقندن صکره :

عالم خارجینک وجودندن شبهه وارسه یدیکک توقادی ده اولسلسله ایدخال ایدرهک هیچ آجیسنندن شکایت ایتمه ! دیه بچاره برده درس انتباه ویرمه قالمیشیرز ،

نچیا بوحر کشمز طوغریمیدر ؟ اصلا دکلدز . چونکه عقل ، بعض گره انسانی ، ذکل عالم خارجینک حتی کندی نفسنک بیه موجودیتندن شبهه دوشه جک حالاه سوق ایدمه بیلیر .

عقلک اوساتی دکلیدرکه وادی تردده علی الاطلاق وجود ایله برابر بیلکندی ده غائب ایتش اولان «ده قارت» ، «دوشونیورم بناء علیه وارم» دستورینی و اودستور ایله ضاله قیمتداری اولان نفسنی بولدیرمش ! ینه عقلک اوساتی دکلیدرکه مشهور «فیخته» یه «منم دیکر نیست» جمله سنک تضمن ایتدکی معنای بتون مکوناته تشمیل ایدمه جک قدر توسیع ایتدیردک عالمده کنیدیسنندن بشقه بر موجود کوسترمه مش ! اهل تصوف : تعینات کونیه ظواهر و بواطن اعتباریه اسماء امکانیه و وجوبیه بی جامع اولدیغندن انلرک برجهتی عدمه ، برجهتی ده وجوده ناظر در ، عدمه ناظر

اولان جهت تجلی به مظهریتلرندن قطع نظر کندی نفسلری اعتباریه اولان جهتدر . وجوده ناظر اولان جهتده تجلی به مظهریتلری اعتباریه اولان جهتدر . شوالده تعینات سالفه اعتبار اوله کوره معدوم ، اعتبار ثانی به کوره موجوددر دیورلر .

امام غزالی بومعنای «هرشی ایچون ایکی وجه واردر . بولردن بری اوشیئت ذاته ، دیکری ده خالقنه نظراً اولان وجهلردر . هرشی وجه ذاتیسی اعتباریه معدوم ؛ وجه الله اعتباریه موجوددر . بوتقدیرده کوره وجه اللهدن بشقه موجود یوقدر ، اندن بشقه نه وارسه ازلاً وابتداً معدومدر .

«لن الملك اليوم لله الواحد القهار» ندای عظمتک عکس انداز ساحه جلال اولسی ایچون قیامته انتظار لازم دکلدز . زیرا اونداهر دقیقه قبه ناسوتی چینلا تمقدهدر ، عباره سیله «افاده ایدیور .

فرید

بر استیضاح :

«تنقید محق» صاحبنه آچیق مکتوب

افندم !

مشهور آلمان فیلسوفلرندن «موسیو ارنست ههکل» وحدت موجود نامیه میدان قویدینی کتابک بعض پارچه لرینک کچن سنه فاضل محترم عبیدالله افندی حضرتلرینک نشر ایتدکه اولدینی «حق یولی» غزته سنده ایکی محترم ذات طرفندن ترجمه سنی و مشارالیه عبیدالله افندی طرفندن ویریلان جوابی کورمش و بونک نهایتنه قدر ترجمه اولنوب لازم کلن نقطه لره جواب ویرلمسی تمنی ایلش ایسه مده بالاخره «حق یولی» نك تعطیل نشریات ایتسیله حقیقه متأسف اولمشدم . له الحمد بوکون یعنی «۱۹۱۱» ده ینه عین محترم سیالر طرفندن اثر مذکورک بتامها ترجمه اولندیغنی کورمکه مفتخر اولدیغ جهته برسنه اولکی تمنی خالصانه مک حصوله کادیکندن کنیدی بختیار عبد ایدیورم . طبیعی درکه اثرک ترجمه سی مقصود بالذات دکلدز . بلکه مقصود بالذات اسلامیه ، حقیقه سورمک ایستیلان لکله محترم مترجملرک همتلریله واقف اولوب آنلره حق و حقیقت دأره سنده جواب ویرمکدر . اثرک کرک بدایتنده وکرک نهایتنده «بزم سوزلرمز» و «برمؤخره» عنوانی آلتنده یازیلان سطرلر بواکی سیانک پک تمیز بروجدهانه ، غایت علوی بر عقیده مالک اولدقلرینی کوستریور . چونکه بومترجملر بعضیلرینک یایدقلری کی علمای غربک هر سوبلدکلرینی بر حقیقت اوله رق قبول و ابنای جنسنده او بولده توصیه ایتدیورلر ، بلکه مسلمانلغک اساسنه مخالف اولان نقطه لرینک ردینی اربابندن شدتله انتظار ایدیورلر . حتی محترم بر ذاتک بویولده بر رساله سیله یازده جغنی وعد ایتدکدن صکره ترجمه یه ، باشلدقلرینی سوبلیورلر ، که بوندن زیاده انصاف و حیت اوله ماز .

بواثری مطالعه ایدرهک ردیه سنک ده حاضر لاندیغنی بوصورتله خبر الدیغ کوندن بری ازدل و جان ردیه نك نشرینه انتظار ایدیور و برشوق